

15 de deseme de 2017

**Eth CEC alongue de nau eth tème de depaus deth vòte per correspondéncia enes burès de Correos enquias 14:00 ores deth dimars 19 de deseme**

Eth Conselh Electorau Centrau (CEC) a acordat alongar de nau eth tème entà que toti es electors que vòten per correspondéncia dempús der Estat espanyol poguen enviar eth sòn vòte. A sollicitacion deth PP, eth CEC a optat per prorogar enquias 14:00 ores deth dimars 19 de deseme eth tème qu'enquia ara ère fixat un dia abans, eth deluns 18 de deseme. Atau, eth dret de vòte per correspondéncia se poderà exercir enes oraris abituaus de dubertura des burès postaus e coma maximom enquias 14:00 ores.

Cau auer present qu'es oraris d'atencion ath ciutadan des burès de Correos de poblacions petites pòden èster mès redusidi e barrar abans des 14.00 ores. Açaò signifique que calerà consultar prealablaments es oraris des establiments de Correos dera localitat a on se volgue depausar eth vòte.

Eth CEC justifique aguest nau alongament deth tème de vòtes per corrèu vist eth retard produxit ena remission de cèrta documentacion electorau a causa des recorsi interpausadi contra era proclamacion de candidatures, e ara coïncidéncia deth tème deth depaus deth vòte dempús d'ua dimenjada. Eth CEC ja resolvec ua prumèra prolongacion a finaus de noveme, en tot observar qu'eth limit fixat iniciauments deth dia 17 de deseme quège en dimenje.